



ХАЛҚИМИЗ УЧУН БЕЛГИЛАБ ОЛИНГАН ВАЗИФАЛАРНИНГ ИЖРОСИ МУҲИМ

Президент Шавкат Мирзиёев жойларда ислохотларнинг бориши, амалга оширилаётган бунёдкорлик ишлари, sanoat ва хизмат кўрсатиш лойиҳалари билан танишиш ҳамда ҳудудни ижтимоий-иқтисодий ривожлаштириш вазифаларини белгилаш мақсадида 24 август кун Самарқанд вилоятида бўлди.

Давлатимиз раҳбари дастлаб Пайариқ туманига бориб Имом Бухорий макбарасини зиёрат қилди. Қуръон тиловат этилиб, дуо ўқилди.

– Илоҳим, дуоларимиз ижобат бўлиб, Аллоҳ юртимизни тинчлик-осойишталикда сақласин, файзу барака берсин. Мана, мустақиллигимизнинг 32 йиллик байрами арафасида турибмиз. Халқимиз билан бирга шу кунларга етганимизга шукрлар айтаман. Олдимизга яна катта-катта режалар қўйганмиз. Бунинг учун икки қарра кўпроқ ҳаракат қилишимиз, ёшлар тарбиясига эътибор беришимиз керак. Ҳамма соҳада таълимни, билимни оширсак, натижалар юқори бўлади. Ёшларимиз Имом Бухорий, Мирзо Улуғбекдай боболаримизга муносиб бўлишини истаймиз, – деди Шавкат Мирзиёев.

Ислом маърифати бўйича, ҳудди Бухородагидек, Самарқандда ҳам намуна яратиш кераклиги таъкидланди. Алломаларимиз меросидан фойдаланиб жаҳолатга қарши маърифатни кучайтириш, ёшларни ёт ғоялар таъсиридан асраш бўйича кўрсатмалар берилди.

Ҳозирги кунда Имом Бухорий мажмуаси янгидан барпо этилмоқда. Давлатимиз раҳбари пардозлаш ишлари намуналарини кўздан кечирди.

Президентимиз Оқдарё туманидаги 32-умумтаълим мактабини кириб кўрди. Конституциямизда Ўзбекистон ижтимоий давлат экани белгиланди. Бу борадаги энг муҳим соҳалардан бири таълимдир. Шу мақсадда янги муассасалар қуриш билан бирга таълимнинг мазмунини яхшилашга ҳам эътибор қаратилмоқда.

782 ўқувчига мўлжалланган 32-умумтаълим мактаби жорий йилда капитал таъмирланди. 22 та синфхона, спорт зали, ошхона, STEM лабораторияси, компьютер хоналарида замонавий шaroитлар яратилган. Кутубхонада 1 минг 500 дан зиёд бадиий адабиётлар жамланган.

Маълумки, ёшларни камида иккита чет тили ва битта замонавий хунарга ўргатиш мактаб таълимидаги асосий йўналиш сифатида белгиланган. Мактабнинг бўш турган ер майдонида енгил конструкциялардан қўшимча хоналар қурилиб, 15 хил касб-хунар ўргатиш учун шaroит яратилди. Бу ерда ўқувчилар компьютер, техник хизмат кўрсатиш, тўқувчилик, сартарошлик, косметология, қўлолчилик, ўймакорликнинг илк сабоқларини ўрганади.

Президентимиз хоналарни кириб кўрди, ёзги тўғаракка келган болалар билан суҳбатлашди.

– Биз олий таълимда қамровни кенгайтириб бораёмиз. Лекин ҳамма ҳам университетда ўқишни танламайди. Шунинг учун фарзандларимизга мактабдаёқ чет тиллари ва хунар ўргатишни мақсад қилганмиз. Кимнинг, кичкина бўлса, қўлида касби, хунари бўлса, кунни ўтати. Кейин яна ўз устида ишлаб, маҳоратини ошириши мумкин. Мақсадимиз – ҳар бир ёшга муносиб шaroит яратиш, – деди давлат раҳбари.

Шавкат Мирзиёев шу ерда ўқитувчилар ва меҳнат фахрийлари билан мулоқот қилди.

Президентимиз Самарқанд давлат университетининг Биокимё институти фаолияти билан танишди.

Бугунги кунда университетда 25 мингдан ортиқ талаба таълим олади. Бу ерда тўртта – Агробиотехнологиялар ва озиқ-овқат хавфсизлиги институти, Муҳандислик физикаси институти, Туркология илмий-тадқиқот институти ҳамда Биокимё институти ташкил этилган.

Биокимё институти жорий йилда университетнинг биология ва кимё факультетлари негизида очилди. Таълим муассасаси учун еттига янги бино қурилди. Жумладан, жами мингдан ортиқ

ўринга эга 2 та ўқув биноси, мажлислар зали, оранжерея-иссиқхона, биологик тадқиқотлар лабораторияси – виварий, ботаник тадқиқотлар лабораторияси – гербарий ҳамда талабалар ошхонаси барпо этилди.

Аҳамиятлиси, шу тариқа икки йўналиш мутахассисларига бир майдонда илмий изланишлар олиб бориш имконияти яратилди. Бу биология ва кимё йўналишидаги инновациялар интеграциясини янги босқичга олиб чиқади. Давлатимиз раҳбари институтидаги ўқув хоналари, оранжерея, илмий лабораториялардаги шaroитлар билан танишди. Профессор-ўқитувчилар билан мулоқот қилди.

Олимлар истиқболда онкологик дори воситаларининг кимёвий трансформацияси асосида хавфли усмаларга қарши танлаб таъсир этадиган янги дори воситаларини яратиш режаси ҳақида сўзлаб берди.

Президент институт профессор-ўқитувчиларини чет элда малака оширишга юбориш, фармацевтика ва кимё маҳсулотларини ишлаб чиқиш, ғўза, узум, доннинг янги навларини яратиш бўйича кўрсатмалар берди.

Бугунги кунда Биокимё институтида 8 таълим йўналишида 2800 нафар талаба тахсил олмақда. Умуман, университетда 12 та илмий ва 67 та ўқув лаборатория бор.

Президент Шавкат Мирзиёев Самарқанд туманида барпо этилаётган савдо, sanoat ва сервис мажмуаси қурилиш майдонида бўлди. Мажмуа ҳудуди 37 гектар. Бу ерда умумий қиймати 2 триллион 79 миллиард сўмлик 7 та лойиҳа амалга оширилмоқда.

Улардан биринчиси – автомобиллар эҳтиёт қисмлари бозори яқинда ишга туширилади. 11 гектар майдондаги савдо дўконларида 3 мингта иш ўрни яратилади.

Айни пайтда газоблок, пенопласт, оҳак ва зичлагич ишлаб чиқариш корхоналари қурилиши давом этмоқда. Улар шу йил охирида фойдаланишга топширилади. Шунингдек, келгуси йилларда “Кўксарой автомобил” савдо ва кўнглочар маркази, ойнага ишлов бериш, пластик ва алюмин ромлар корхонаси қуриб битказилиши режалаштирилган.

Умуман, ушбу лойиҳаларда ўн мингга яқин аҳоли доимий иш билан таъминланади.

Давлатимиз раҳбари бунинг аҳамиятига алоҳида тўхталиб, лойиҳаларни тезлаштириш, ишлаб чиқаришни йўлга қўйиш, ишсиз аҳоли бандлигини таъминлаш муҳимлигини таъкидлади.

Президент Шавкат Мирзиёев Самарқанд шаҳридаги “Азия металл проф” масулюяти чекланган жамияти фаолияти билан танишди.

Ушбу йирик заводда 2018-2022 йилларда хитойлик ҳамкорлар билан биргаликда умумий қиймати 110 миллион долларлик лойиҳалар амалга оширилган. Бу маблагнинг 33 миллион доллари тўғридан-тўғри хорижий инвестициядир.

Дастлаб, 2018 йил декабрда рух ва полимер билан қопланган металл листлар тайёрлаш бошланган бўлса, иккинчи босқичда, 2021 йилдан металл қувурлар ва профиллар ишлаб чиқариш йўлга қўйилди. 2022 йил февралдан иссиқ ўрамли металл листлар ва қурилиш учун профиллар ҳам ишлаб чиқаришмоқда.

Бу маҳсулотлар импорт ўрнини босиши ва экспортбоплиги билан аҳамиятли. Хусусан, ўтган йили корхона томонидан 63 миллион долларлик маҳсулот экспорт қилинган. Ушбу кўрсаткич жорий йилда янада юқори бўлиши кутилмоқда. Айни пайтда корхонада 520 нафар ишчи меҳнат қилмоқда.

ҚУРИЛИШ ВА УЙ-ЖОЙ КОММУНАЛ ХЎЖАЛИГИ ВАЗИРЛИГИДА

Муҳим мавзудаги халқаро ҳамкорлик

Қурилиш ва уй-жой коммунал хўжалиги вазирининг биринчи ўринбосари Шерзод Ҳидоятлов бошчилигидаги мутасаддилар “ERG International UK Ltd” компанияси вакиллари, хусусан, Стратегия ва инвестициялар бошқармаси бошлиғи Онуф Кизилот ҳамда “ERG group”нинг бош координатори Уни Сесер билан учрашди.



Томонлар давлат-хусусий шериклик асосида мамлакатимиз ҳудудларида иссиқлик таъминоти тизимини яхшилаш ҳамда аҳолини иссиқлик энергияси ва иссиқ сув билан таъминлаш даражасини оширишга қаратилган лойиҳаларни амалга оширишни муҳофама қилишди. Бунда тизимни комплекс модернизация қилиш ва энергия тежовчи замонавий технологиялар асосида унинг техник даражасини ошириш зарурлиги таъкидланди. Шунингдек, иссиқлик манбаларининг иситиш ускуналарини ко-

генерацион газ турбинаси технологиясини жорий этган ҳолда реконструкция қилиш ҳамда муқобил ёқилғи маҳсулотларини ишлаб чиқишда мамлакатимизнинг имкониятлари кўриб чиқилди. Мазкур жараёнга инновацион ва ресурс тежовчи технологияларни жорий этиш лозимлиги таъкидланди.

– Бугунги кунда мамлакатимизда иссиқлик таъминоти тизимларини комплекс ривожлантириш ва модернизация қилишга алоҳида эътибор қаратиб келинмоқда. Бу

бўйича бизда ҳар томонлама ўйланган лойиҳа тақдифлари мавжуд. Компаниянингизнинг юқори тажрибасини инobatга олган ҳолда, ҳамкорлик ишларини бошлашдан манъунмиз, – деди Шерзод Ҳидоятлов.

Маълумот учун, “ERG International UK Ltd” компанияси томонидан инфраструктура, энергетика, гидроэнергетика, сув ва канализация йўналишларида амалга оширилган лойиҳаларнинг умумий қиймати 20 миллиард АҚШ долларидан ортиқни ташкил этади.

БСК ходимлари учун семинар-тренинг

Пойтахтимизнинг барча туманларида кўп қаватли уйларга хизмат кўрсатувчи бошқарув ташкилотлари вакиллари фаолиятини яхшилаш, уларда замонавий билим ва қўникмаларни шакллантириш мақсадида семинар-тренинглар ташкил этилмоқда.

Унда Қурилиш ва уй-жой коммунал хўжалиги вазирлиги мутахассислари, хусусан, Кўп хонадонли уйларга хизмат кўрсатиш фаолиятини мувофиқлаштириш бошқармаси масъуллари ҳам иштирок этиб, хизмат кўрсатиш соҳасини такомиллаштириш, соҳага янги ислохотларни жорий этиш, қўнунчиликдаги янгиликлар бўйича иштирокчиларга батафсил маълумот беришмоқда.



Шунингдек, соҳада йиллар давомида меҳнат қилиб келаётган тажрибали мутахассислар томонидан кўп қаватли уйларга хизмат кўрсатувчи бошқарув ташкилотларининг иш самарадорлигини ошириш, аҳолига сифатли хизмат кўрсатишни таш-

кил этишга бағишланган тақдимотлар ҳам ўтказилмоқда.

Ҳозирга қадар бундай семинарлар пойтахтимизнинг Бектемир, Миробод, Олмазор, Мирзо Улуғбек, Учтепа, Сергели туманларида бўлиб ўтди.

Ёшлар парламенти аъзолари билан учрашув

Қурилиш ва уй-жой коммунал хўжалиги вазирлигида вазирликка бириктирилган Олий Мажлис Қўнунчилик палатаси ҳузуридаги Ёшлар парламенти аъзолари билан учрашув бўлиб ўтди.

Унда вазир ўринбосари Озода Жўраева вазирлик томонидан ёшларга оид давлат сиёсатини амалга ошириш бўйича қилинаётган ишлар, қурилиш ва коммунал соҳада фаолият юритиб келаётган ёш кадрларга берилаётган эътибор ва имкониятлар, вазирликка бириктирилган “огир” тоифадаги ёшлар билан олиб борилаётган ишлар юзасидан маълумот берди.

Учрашувда таъкидланганидек, 2023 йилда ёшларнинг бандлигини таъминлаш, уларнинг бўш вақтини мазмунли ташкил этиш ва мафкуравий тарбиясидаги мавжуд муаммоларни бартараф қилиш бўйича “Йўл харита”га асосан вазирлик раҳбарияти ва ҳудудий бўлинмалар бошлиқларига жами 19 248 нафар ёшлар бириктирилган. Мазкур ёшлар билан манзилли иш ташкил этишда уларнинг бўш вақтини мазмунли ўтказиш, бандлигини таъминлаш, ижти-

моий-иқтисодий муаммоларини ҳал қилишга ёрдамлашиш, мафкуравий тарбиясидаги муаммоларни бартараф этиш ҳамда амалга оширилаётган ислохотлар бўйича тушунтиришлар беришга алоҳида аҳамият қаратилган.

– Тошкент вилояти энг оғирлиқ нуқта-ларимиздан бири, – деди Олий Мажлис Қўнунчилик палатаси ҳузуридаги Ёшлар парламенти раиси Шаҳноза Жолдасова. – Аммо Қурилиш ва уй-жой коммунал хўжалиги вазирлиги томонидан ёшлар билан ишлаш тизими яхши йўлга қўйилганига гувоҳ бўляёмиз. Бунинг муаммолари ёшларимизни моддий ва маънавий қўллаб-қувватлашиш, уларни доимий иш билан таъминлаш кўрсаткичларида кўришимиз мумкин. Биз вазирлик тажрибасини бошқа давлат ташкилотларида ҳам жорий қилишимиз керак. Келгусида ҳамкорликда яна қўллаб-қувватлашни амалга ошириш ниятидамыз.

ҚУРИЛИШ МАТЕРИАЛЛАРИ САНОАТИНИНГ ИҚТИСОДИЁТДА ЎЗ ЎРНИ БОР

Абдусами ҲАҚБЕРДИЕВ, “O‘zbekiston bunyodkori” мухбири.

Президентимизнинг 2019 йил 23 майдаги “Қурилиш материаллари sanoatини жадал ривожлантиришга оид қўшимча чора-тадбирлар тўғрисида”ги ПҚ-4335-сонли қарори қурилиш индустрияси соҳасида халқаро стандартларни ўрганиш ва сифатли, хавфсиз янги турдаги қурилиш материалларини ишлаб чиқаришни жорий қилишга имкон яратди. Эндиликда тадбиркорларнинг маҳаллий хомашелардан самарали фойдаланаётганликлари натижасида қурилиш материалларини четдан импорт қилиш ҳажми кескин камайди ва ишлаб чиқарилаётган барча материаллар сифати ҳамда мустақамлиги жиҳатидан хорижникидан қолишмайди.

Мазкур соҳада замонавий технологиялар кенг жалб қилинган эса юртимиздаги қурилишларга арзон нархларда зарур материалларни етказиб бериш бора-барига хорижий давлатларга ҳам экспорт қилишга имкон бермоқда. “O‘zsanootqurilishmateriallari” уюшмасида оммавий ахборот воситалари ходимлари учун ўтказилган тадбирда уюшма мутасаддилари ана шу масалаларга кенг тўхталиб, батафсил маълумот беришди. Таъкидланганидек, бу борада биргина жорий йилнинг олти ойда тармоқ корхоналари томонидан 288 миллион АҚШ долларлик қурилиш материаллари ва хизматлар экспорти амалга оширилиб, белгиланган режа 107 фоизга бажарилган.

Шунингдек, тегишли дастурлар доирасида уюшма таркибидagi корхоналарнинг 38 та инвестиция лойиҳаси

бўйича 268,9 миллион АҚШ долларлик маблаг ўзлаштирилиши режалаштирилган бўлиб, йилнинг ўтган даврида умумий қиймати 12,7 миллион АҚШ долларлик 2 та лойиҳа ишга туширилган. Жумладан, “Petravool” МЧЖда 11,7 миллион АҚШ доллари ҳисобига 30 минг тонна базальтдан минерал плиталар ишлаб чиқариш ташкил қилинди ва 150 та янги иш ўрни яратилди. Тошкент вилоятининг Олмалик шаҳрида эса “Fiber Glass Composite” МЧЖда (режага қўшимча) 1,0 миллион АҚШ доллари ҳисобига 130 минг дона хризотил-цемент қувурлар тайёрлаш лойиҳаси ишга туширилиб, 40 нафар йигит-қизларнинг доимий бандлиги таъминланди.

Давлатимиз раҳбарининг 2022 йил 24 январдаги “Республикада ишлаб чиқаришни ривожлантириш ва sanoat кооперациясини кенгайтиришнинг самарали

тизимини яратиш чора-тадбирлари тўғрисида”ги ПҚ-99-сонли қарорига кўра, маҳаллийлаштириш дастури доирасида турли хилдаги, яъни, 30 миллион АҚШ долларлик керамик плита ва керамика буюмлари, 16 миллион долларлик алюмин профил ҳамда панеллар, 33 миллион АҚШ долларлик ПВХ профил, труба ҳамда фитинглар, 22 миллион АҚШ долларлик қуруқ қурилиш қоршма-лари, 20 миллион АҚШ долларлик гулқоғоз ҳамда 10 миллион АҚШ долларлик табиий пардозбop тошлар сингари асосий материаллар шартнома бўйича Қозоғистон, Тожикистон, Туркия, Озарбайжон, Хитой, Эрон каби давлатларга экспорт қилиш ҳисобига юртимизда тайёрланаётган қурилишбop материаллар жаҳон бозорларида ўз ўрнини эгаллашга шaroит яратаётир. Шу кунларда эса Афғонистон, Беларусь, Литва ва яна бир неча давлатлар билан ҳамкорликни янада кенгайтириш юзасидан истиқболли лойиҳалар юзасидан ишлар олиб борилаётир.

Маҳаллийлаштириш ҳажмини янада кенгайтириш ва хомашё захираларини самарали қўллаш юзасидан ҳисоб-китобларга кўра, жорий йил охиригача қурилиш материаллари соҳасида 35,3 триллион сўмлик маҳсулотлар ишлаб чиқарилиб, ўсиш 115 фоизни ташкил қилиши, жумладан, 17,0 миллион тонна цемент, 38 миллион квадрат метр қурилиш ойнаси, 76,0 миллион квадрат метр гипс-сокартон, 39 миллион квадрат метр керамик плита ҳамда 3,2 миллион урам гулқоғоз тайёрланиши ва уларнинг эллиқ фоизи экспортга йўналтирилиши режалаштирилган. Таъкидлаш жоизки, шу соҳага ихтисослашган корхоналарда ишлар жадаллик билан олиб борилаётгани эса мақсадга эришишга имкон беради.

ХАЛҚИМИЗ УЧУН БЕЛГИЛАБ ОЛИНГАН ВАЗИФАЛАРНИНГ ИЖРОСИ МУҲИМ

◀ 1-бет

Давлатимиз раҳбари лойиҳанинг тўртинчи босқичи – арматура ишлаб чиқариш корхонасининг қурилиш майдонида бўлди. Бу ерда йилига 390 минг тонна арматура қўйиш қуввати ҳамда 150 та янги иш ўрни яратилади.

Умуман, 2023-2025 йилларда яна бешта лойиҳани амалга ошириш режалаштирилган. Уларга жами 621 миллион доллар йўналтирилиб, йилига 1,7 миллион тонна металл ҳамда 10 миллион метр квадрат ойна ишлаб чиқариш қуввати яратилади. 930 та янги иш ўрни очилади.

Президентимиз маҳаллийлаштириш ва таннарх-ни тушириш орқали экспортда рақобатбардорликни ошириш кераклигини таъкидлади.

Давлатимиз раҳбари Самарқанд вилоятини ижтимоий-иқтисодий ривожлантириш ҳамда йил якунига қадар амалга оширилиши лозим бўлган асосий вазифалар бўйича йиғилиш ўтказди.

Кейинги йилларда вилоят изчил ривожланмоқда. Лекин бу барча туманларда мутаносиб эмас.

Масалан, ҳудуд санотининг қарийб ярми Самарқанд шаҳрига тўғри келади. Утган етти ойда вилоятда 600 миллион доллар тўғридан-тўғри хорижий

инвестиция ўзлаштирилган. Лекин уларнинг 78 фоизи Самарқанд шаҳри, Каттакўрғон, Пастдарғом ва Самарқанд туманлари ҳиссасига тўғри келган. Сўнгги беш йилда электр истеъмоли 1,5 бараварга ошган. Қишлоқ ҳўжалигида ҳосилдорлик, сувни тежаш етарли эмас.

Шу каби таҳлиллардан келиб чиқиб, Президентимиз тадбиркорлик, инвестиция, санот, туризм соҳаларидаги имкониятларни кўрсатиб ўтди.

Маҳаллаларда тадбиркорлик ва деҳқончиликни қўллаб-қувватлаш, узум ва писта етиштиришни кўпайтириш, серкатнов йўллар бўйида хизмат кўрсатиш соҳасида аҳолини ишли қилиш зарурлиги таъкидланди.

“Ургут” эркин иқтисодий зонасининг 15 та тумандаги ҳудуди ва вилоятдаги 106 та санот зонасини инфратузилма билан таъминлаш учун шу йилнинг ўзида 170 миллиард сўм ажратилган. Лекин уларда 620 гектар ер бўш турибди. Мутасаддиларга инфратузилма муаммосини ҳал этиб, ушбу майдонларга тадбиркорларни жалб этиш бўйича топшириқ берилди.

Оқдарё ва Пастдарғомдаги подстанцияларни янгилаш, йил якунигача Каттакўрғон тумани ва Самарқанд шаҳрида қуввати 250 мегаватт бўлган 2 та қуёш электр станциясини ишга тушириш вазифаси қўйилди.

Вилоятда туризм соҳасида 20 мингта доимий иш ўрни яратиш ва экспортни 500 миллион долларга етказиш имконияти борлиги қайд этилди. Бунинг учун жозибадор дастурларни кўпайтириш, йўлларни ва жамоат транспортини қулай қилиш зарурлиги таъкидланди. Туризм салоҳияти юқори 100 та маҳалла ва қишлоқда “туризм ипотекаси” дастури асосида янги саёҳат манзиллари очиб бўйича кўрсатма берилди.

– Халқимиз биз белгилаб олган жуда катта вазифаларнинг ижросини қўтапти. Ҳар бир ҳоким ҳудуддаги имкониятдан тўғри фойдаланиб, маҳсулот чиқариб, одамларга иш ўрни яратмаса, буни четдан келиб ҳеч ким қилиб бермайди. Натижадорликни ҳар йили ошириб бориш зарур. Қолган тўрт ой келгуси йилга мустаҳкам замин ясайдиган ойлار бўлиши керак, – деди Шавкат Мирзиёев.

Йиғилишда муҳокама қилинган масалалар бўйича вилоят ва туманлар ҳокимлари, соҳа мутасаддилари ахборот берди.

Шу билан давлатимиз раҳбарининг Самарқанд вилоятига ташрифи якунланди.

**Зиёдулла ЖОНИБЕКОВ,
Ғолиб ҲАСАНОВ,
Икром АБВАЛБОВЕВ,**

Ишчи гуруҳи – Бўка туманида

Шаҳноза МАМАТУРОПОВА, журналист.

Давлатимиз раҳбарининг топшириғи асосида тузилган Ишчи гуруҳ Бўка туманининг Эзгулик маҳалласида ҳашар асосида ободонлаштириш ва кўкаламзорлаштириш ишларини олиб бормоқда. Умумфойдаланувдаги Шодлик-1, Шодлик-2, Қорабоғ-1, Қорабоғ-2 ва Қорасув кўчаларининг 2,05 км қисмини шағаллаштириш, 6,4 км қисмини асфальт қилиш, шунингдек, 2,2 км узунликдаги пиёдалар йўлагини қуриш режалаштирилмоқда.



Шунингдек, ҳудуддаги 244 та эскирган симёғочни бетон устунларга алмаштириш, 12 км тармоқни янгилаш ва 1 та трансформаторни юқори қўлачилиши трансформаторга алмаштириш, 2 та қўшимча трансформатор ўрнатиш белгилаб олиниб, бу борадаги амалий ишларга киришилди. Йўлақлар, таълим ва тиббиёт муассасаларини таъмирлаш, ичимлик суви, газ билан боғлиқ муаммолар, шунингдек, автобекет қуриш, мобил алоқа хизматини яхшилашга ҳам алоҳида эътибор қаратиляпти.

Энг асосийси, қисқа муддатларда ҳудудда “Маҳалла маркази” бунёд этилади. Бунда замонавий қулайликларга

эга маҳалла фуқаролар йиғини биноси, кутубхона, шахмат хонаси, болалар майдончалари автотураргоҳ ва хиебон бўлади.

Бундан ташқари, маҳаллада ташкил этилаётган чуқурлаштирилган тиббий кўриқларда асосан юрак-қон томир, асаб касалликлари аниқланган беморларга йўлланмалар бериляпти. “Кексалар саломатлиги ойлги” доирасида уйма-уй юрилиб, нуронийлар тиббий кўриқдан ўтказилди. Беморлар бепул дори-дармонлар, ногиронлиги бор инсонлар реабилитация воситалари билан таъминланмоқда.

Аҳолини ишли-даромадли қилиш

учун ҳам бор куч-имконият ишга солинмоқда. Ижтимоий ҳимояга муҳтож, бугунги кунда ишсиз 53 нафар фуқаро рўйхатга олиниб, 8 нафарига субсидия асосида асалари қўтилири тарқатилди. Яна 12 нафарига тикув дастгоҳлари, мотокултиватор, пайвандлаш ускуналари олиб бериляпти. Энг асосийси, 14 нафар кам таъминланган оилаларнинг хонадонлари таъмирлаб-тиклаб бериляпти. Бу хайрли ишдан уларнинг ҳам қувончи чекисиз.

Ҳудудда жойлашган касб-хунар коллежида ташкил этилган касб-хунарга ўқитиш марказларида 50 нафардан ортиқ фуқарони фаолият

турларига қараб ўқитиш ишлари бошланди. Шунингдек, ҳоким ёрданчилари томонидан томорқалардан самарали фойдаланиш, хонадонларни обод қилиш, хотин-қизлар гуруҳи эса аёллар ўртасида рўзгор тутиш маданиятини ривожлантириш борасида турли тарғибот тадбирларини ўтказаяпти. “Китобхонлик”, “Уч авлод учрашуви”, “Меҳнат ярмаркаси” каби тадбирлар, шулар жумласидандир.

Бир сўз билан айтганда, Ишчи гуруҳ томонидан олиб борилаётган бу каби хайрли ишлар туфайли ҳудудлар ободлашиб, аҳолининг ҳаётидан мамнунлиги ортмоқда.

Зокир ЖУМАНОВ, Самарқанд вилояти Қўрилиш ва уй-жой коммунал хўжалиги соҳасида ҳудудий назорат қилиш инспекцияси бошлиғи.

Ўзбекистон Республикаси Президентининг 2023 йил 13 апрелдаги ПФ-51-сонли Фармонига ва **Вазирлар Маҳкамасининг 108-сонли баёнига асосан, жорий йилда Самарқанд вилояти бўйича жами 10 843 та хонадондан иборат 203 та уй-жой қуриб, фойдаланишга топшириш белгиланган. Ушбу объектлар вилоят Қурилиш ва уй-жой коммунал хўжалиги соҳасида ҳудудий назорат қилиш инспекциядан тўлиқ рўйхатдан ўтган бўлиб, ҳозирга қадар 3 617 та хонадондан иборат 62 та уй-жой фойдаланишга топширилди.**



қа объектлар ҳисобланади. Ҳозирга қадар улардан 231 та объект фойдаланишга топширилган.

Назорат ишлари давомида ҳудудий инспекция инспекторлари томонидан объектларда 1 477 та мониторинг ўтказилган. Натижада 608 та ёзма кўрсатма (2 155 та қоидабузарлик) берилган бўлиб, шундан, 388 та ёзма кўрсатма (1 254 та қоидабузарлик) ижроси таъминланган. Жараёнда 37 та ёзма кўрсатма (118 та қоидабузарлик), 183 та муддати ўтган ёзма кўрсатма (783 та қоидабузарлик) ҳамда бажарилиши мажбурий бўлган ёзма кўрсатмалар берилиб, шундан, 39 та ёзма кўрсатма бўйича маъмурий чоралар қўлланилган.

Ўзбекистон Республикаси Президентининг 2022 йил 30 декабрдаги “2023 – 2025 йилларда Ўзбекистон Республикасининг ижтимоий ва ишлаб чиқариш инфратузилмасини ривожлантириш чора-тадбирлари тўғрисида”ги ПҚ-465-сонли қарори бўйича 107 та объект Самарқанд вилояти Қурилиш ва уй-жой коммунал хўжалиги соҳасида ҳудудий назорат қилиш инспекциясидан рўйхатдан ўтиши режалаштирилган. Жумладан, 107 та (34 та умумтаълим мактаби, 2 та ижод ва иختисошлатирилган мактаб, 25 та мактабгача таълим ташкилоти, 5 та соғлиқни сақлаш ва тиббий-ижтимоий муассаса, 5 та олий таълим муассасаси, 1 та спортни ривожлантириш объекти, 1 та маданият ва санъат объекти, 9 та сув таъминоти ва канализация объекти, 7 та ирригация тармоғи ва иншооти, 2 та мелiorация тармоғи ва иншооти, 4 та туризм объекти, 6 та бошқа турдаги объектлар (киргок бўйи ва бошқа ҳимоя иншоотлари, ободонлаштириш объектлари), 4 та махсус иқтисодий зоналар, кичик санот зоналари, ёшлар санот ва тадбиркорлик зоналари, 2 та “Янги Ўзбекистон” ва уй-жой массивларида барпо этиладиган ижтимоий ва ишлаб чиқариш инфратузилмаси объектлари барпо этилиши кўзда тутилган. Бугунги кунда 9 та объект фойдаланишга топширилган.

Ўтказилган назорат ишлари давомида ҳудудий инспекция инспекторлари томонидан 599 та мониторинг ўтказилган. Натижада 425 та ёзма кўрсатма (1 236 та қоидабузарлик) берилган бўлиб, шундан, 264 та ёзма кўрсатма (741 та қоидабузарлик) ижроси таъминланган. Шунингдек, текшириш жараёнида 64 та ёзма кўрсатма (198 та қоидабузарлик), 25 та муддати ўтган ёзма кўрсатма (73 та қоидабузарлик) ҳамда бажарилиши мажбурий бўлган ёзма кўрсатмалар берилди.

Бир сўз билан айтганда, эртанги кунига бефарқ бўлмаган, юртдошларининг хотиржам яшашини истаган ҳар бир қурилиш соҳаси вакили ўз вазифасини чин дилдан бажарса, барпо этилаётган иморатларда камчилик ва хатолар кузатилмайди. Қолаверса, бугун аниқланган камчиликлар ўз вақтида бартарф этилса, келгусида нафақат вилоятимиз, балки юртимизда ҳам бир-биридан сифатли ва шинам масканлар кўпайиб, уларда яшовчилар миннатдор бўлишад.

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ҚАРОРИ

КЎП КВАРТИРАЛИ УЙЛАРНИ БОШҚАРИШНИ ЯНАДА САМАРАЛИ ТАШКИЛ ҚИЛИШ ЧОРА-ТАДБИРЛАРИ ТЎҒРИСИДА

Кўп квартирали уйларни бошқариш тизимини янада такомиллаштириш, бошқариш органлари билан мулкдорлар ўртасидаги ҳамкорликни кучайтириш, аҳолига сифатли хизмат кўрсатилишини ҳамда кўрсатилган хизматлар учун тўлов интизомини таъминлаш ҳамда соҳага етарли малака, кўникма ва моддий-техник базага эга бўлган бошқариш органларини жалб қилиш мақсадида:

1. Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари 1-иловага мувофиқ чегаралари белгиланган кўп квартирали уйларга туташ ер участкаларини кўп квартирали уйлардаги жойлар мулкдорларига **бир ой муддатда** доимий фойдаланиш ҳуқуқи асосида бериш тўғрисида қарор қабул қилсин.

Қурилиш ва уй-жой коммунал хўжалиги вазирлиги Иқтисодиёт ва молия вазирлиги билан биргаликда **икки ой** муддатда республикадаги **қолган кўп квартирали уйларнинг туташ ер участкалари чегараларини белгилаб**, “YERELEKTRON” автоматлаштирилган ахборот тизимига киритилишини таъминласин.

Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари чегаралари белгиланган кўп квартирали уйларга туташ ер участкаларини тегишли кўп квартирали уйлардаги жойлар мулкдорларига **бир ой муддатда** доимий фойдаланиш ҳуқуқи асосида бериш тўғрисида қарор қабул қилсин.

2. Шундай тартиб ўрнатилсинки, унга қўра:

а) Кадастр агентлиги томонидан кўп квартирали уйларга туташ ер участкаларининг мавжуд топографик тасвирлари Қурилиш ва уй-жой коммунал хўжалиги вазирлигига бепул тақдим этилади;

б) 2024 йил 1 январдан бошлаб: кўп квартирали уйлардаги кўчмас мулк билан боғлиқ битимларни тасдиқлаш нотариуслар томонидан Қурилиш ва уй-жой коммунал хўжалиги вазирлигининг ахборот тизими орқали тегишли мулкдорнинг мажбурий бадаллар ёки тўловлар бўйича қарздорлиги мавжуд эмаслиги текширилгандан кейин амалга оширилади;

умумий мол-мулкни сақлаш, ундан фойдаланиш ва уни таъмирлаш ҳамда кўп квартирали уйга туташ ер участкасини ободонлаштириш учун мажбурий бадалларнинг ёки тўловларнинг энг кам миқдори Қурилиш ва уй-жой коммунал хўжалиги вазирлиги томонидан белгиланади;

кўп квартирали уйларни бошқариш органларига агротехник ишлов беришдан ҳосил бўладиган чиқиндиларни (даррахт ва бута шох-шаббалари, барглари) ва кўп квартирали уйларга туташ ҳудудларни тозалашдан ҳосил бўлган чиқиндиларни маший чиқиндиларни тўплаш пунктларида ёки чиқиндиларни олиб чиқиб кетиш операторлари билан келишилган махсус кўшма қарорда йиғишга рухсат этилади. Бунда:

мазкур чиқиндиларни олиб чиқиб кетиш бўйича хизматлар учун тўлов қаттиқ маший чиқиндиларни тўплаш ва олиб чиқиб кетиш бўйича хизматлар учун белгиланган мажбурий тўловларга қўшилган ҳолда ягона тўлов сифатида ундирилади;

агротехник ишлов беришдан ҳосил бўладиган чиқиндиларни (даррахт ва бута шох-шаббалари, барглари) ва кўп квартирали уйларга туташ ҳудудларни тозалашдан ҳосил бўлган чиқиндиларни йиғиш ва маший чиқиндиларни тўплаш пунктларида ёки келишилган махсус жойларга етказиш тўлиқ кўп квартирали уйларни бошқариш органлари томонидан амалга оширилади;

маший чиқиндиларни тўплаш пунктларида ёки келишилган махсус жойларда тўпланган агротехник ишлов беришдан ҳосил бўладиган чиқиндилар (даррахт ва бута шох-шаббалари, барглари) ва кўп квартирали уйларга туташ ҳудудларни тозалашдан ҳосил бўлган чиқиндиларни олиб чиқиб кетиш операторлар томонидан кўп квартирали уйларни бошқариш органлари билан келишилган ҳолда режа-график асосида амалга оширилади;

в) қурувчи ташкилот қурилиши тугалланган кўп квартирали уйни бошқариш учун бошқарувчи ташкилотни жалб қилади. Бошқарувчи ташкилот аниқланмаган кўп квартирали уйлар фойдаланишга қабул қилинмайди;

г) кўп квартирали уйлардаги умумий мол-мулкнинг талаб даражасида сақланишини таъминлаш учун зарур бўлган **хизматлар ва ишларнинг минимал рўйхати** Қурилиш ва уй-жой коммунал хўжалиги вазирлиги томонидан тасдиқланади.

3. Қурилиш ва уй-жой коммунал хўжалиги вазирлиги бир ой муддатда кўп квартирали уйларни бошқариш соҳасидаги конунчиликни такомиллаштириш бўйича қуйдагиларни назарда тутувчи конун лойиҳасини Вазирлар Маҳкамасига киритсин:

кўп квартирали уйлар ва уларга туташ ер участкалари учун қарз маблағлари, шу жумладан банк кредитлари кўп квартирали уйларнинг барча жойлар мулкдорлари то-

монидан бир овоздан қабул қилинган қарор асосида олиниши мумкинлиги;

кўп квартирали уйни бошқариш ташкилотини ёки бошқарувчини алмаштириш муддатида чеклов қўйиш;

кўп квартирали уйни бошқариш усулини ва бошқариш органини танлаш масаласи юзасидан барча жойлар мулкдорларининг ёки улар вакилларининг эллик фоиздан кўпроғи уни ёқлаб овоз берса, умумий йиғилишнинг қарори қабул қилинган деб ҳисобланиши.

4. Қурилиш ва уй-жой коммунал хўжалиги вазирлиги Давлат активларини бошқариш агентлиги, Кадастр агентлиги ҳамда Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари билан биргаликда **икки ой** муддатда кўп квартирали уйларнинг бошқариш органлари фойдаланишида бўлган давлатга тегишли **бино ва иншоотларни**, шунингдек, давлат рўйхатидан ўтказилмаган **бино ва иншоотларни хатловдан ўтказсин ҳамда** уларни Қурилиш ва уй-жой коммунал хўжалиги вазирлиги ҳузуридаги **“Коммунал таъминот маркази”** давлат муассасасига оператив бошқарув ҳуқуқи асосида ўтказиш бўйича чоралар қўрсин.

5. Ҳисоб палатаси Бош прокуратура ҳамда Қурилиш ва уй-жой коммунал хўжалиги вазирлиги билан биргаликда **бир ой муддатда** кўп квартирали уй-жойлар мулкдорлари ширкатларининг ва бошқарувчи ташкилотларнинг ҳудудий электр тармоқлари корхоналари олдидидаги **80,5 млрд сўм** миқдордаги қарздорлиги ва улар учун ҳисобланган жарималар юзасидан ўрганиш ўтказсин ҳамда ушбу қарздорликни ундириш бўйича таклиф киритсин. Бунда, мазкур **қарздорликнинг тўлов муддати 2024 йил 1 октябрга қадар кечиктирилсин.**

6. Ўзбекистон Республикасида реновация дастурини амалга оширишни ташкилий ва ҳуқуқий жиҳатдан таъминлаш бўйича ишчи гуруҳ **2-иловага** мувофиқ таркибда тузилсин. Ишчи гуруҳга қуйидаги вазифалар юклансин:

реновация дастурини амалга ошириш бўйича давлат сиёсатининг устувор йўналишларини ишлаб чиқиш;

реновация тўғрисидаги норматив-ҳуқуқий ҳужжатларнинг ишлаб чиқилишини таъминлаш;

реновация дастури амалга ошириладиган ҳудудларни келишиш;

реновация дастури амалга оширишдаги муаммоларни аниқлаш ва уларни ечиш бўйича тизимли таклифлар ишлаб чиқиш;

давлат органларининг реновация соҳасидаги келишилган фаолиятини таъминлаш; амалга оширилаётган реновация дастурларининг самарадорлигини мониторинг қилиш;

хорижий давлатларнинг реновация йўналишидаги илғор тажрибасини ўрганиш.

7. Кўп квартирали уйларни бошқариш органлари томонидан фаолиятни амалга ошириш жараёнида тегишли **мулкдорларнинг ҳуқуқлари бузилишини олдини олиш мақсадида** Қурилиш ва уй-жой коммунал хўжалиги соҳасида назорат қилиш инспекциясига **қуйидаги қўшимча ваколатлар берилсин:**

кўп квартирали уйларни бошқариш органлари ва жойлар мулкдорлари томонидан иссиқлик таъминотида фойдаланишда норматив-ҳуқуқий ҳужжатлар талабларига риоя этилиши устидан давлат назоратини амалга ошириш;

кўп квартирали уйлардаги умумий мол-мулк ва уларга туташ ер участкаларида амалга оширилган таъмирлаш-тиклаш ишларининг конунчилик ҳужжатлари ва техник жиҳатдан тартибга солиш соҳасидаги норматив ҳужжатларга мувофиқ бажарилиши устидан давлат назоратини амалга ошириш.

8. Уй-жой коммунал хўжалиги соҳасида кўп квартирали уйларни бошқариш янада самарали ташкил қилиш юзасидан “йўл харитаси” **3-иловага** мувофиқ тасдиқлансин.

9. Ўзбекистон Республикаси Президентининг 2021 йил 19 июндаги “Кўп квартирали уй-жойларни бошқариш тизимини янада такомиллаштириш тўғрисида”ги ПҚ-5152-сон қарорига 4-иловага мувофиқ ўзгартришлар киритилсин.

10. Қурилиш ва уй-жой коммунал хўжалиги вазирлиги манфаатдор вазирлик ва идоралар билан биргаликда **икки ой муддатда** конунчилик ҳужжатларига ушбу қарордан келиб чиқадиган ўзгартриш ва қўшимчалар тўғрисида Вазирлар Маҳкамасига таклифлар киритсин.

11. Мазкур қарорнинг ижросини самарали ташкил қилишга масъул ва шахсий жавобгар этиб қурилиш ва уй-жой коммунал хўжалиги вазирли Б. И. Закиров белгилансин.

Қарор ижросини муҳокама қилиб бориш, масъул ташкилотлар фаолиятини мувофиқлаштириш ва назорат қилиш Бош вазир ўринбосари А. Ж. Раматов зиммасига юклансин.

**Ўзбекистон Республикаси
Президенти Ш. МИРЗИЁЕВ**
2023 йил 15 август

ФАРҒОНАДА ЯПОН ТИББИЁТ ВА СОҒЛОМЛАШТИРИШ ШАҲАРЧАСИ БАРПО ЭТИЛАДИ

Орифжон ИСМОИЛОВ, “O‘zbekiston bunyodkori” мухбири.

Фарғона шаҳрида қад ростлаётган Экошаҳар ҳудудида 1 гектар майдонда замонавий Япон тиббиёт ва соғломлаштириш шаҳарчаси барпо этиш лойиҳасини амалга оширишга киришаётган “NAGAI Clinic” компанияси раҳбари Кoji Нагаи билан мулоқотда лойиҳанинг амалий босқичлари муҳокама қилинди.



11 та турли йўналишдаги клиникалар, 2 та дорихона, 20 та соғломлаштириш муассасаси, массаж, фитнес каби қатор спорт-соғломлаштириш марказлари ҳамда тиббий таълим ва соғлом турмуш тарзини ўқитиш бўйича ўқув марказини ўз ичига олиши кўзда тутилган ушбу шаҳар-

чанинг дастлабки лойиҳа қиймати 8,72 млн долларни ташкил этиб, тўлалигича япон инвестицияси ҳисобига амалга оширилади. Шаҳарча ҳудудида Япониянинг гузаллик ва саломатлик учун маҳсулотлар савдосида етакчи бўлган “DAISO” савдо бренди супермаркетини жойлаштириш



бўйича ҳам музокаралар сўнгги паллага киргани маълум қилинди.

Учрашув давомида Фарғона вилояти ҳокимлиги ва “NAGAI Clinic” компанияси ўртасида ушбу лойиҳани амалга ошириш бўйича ҳамкорлик меморандуми имзоланди. Компания раҳбари Кoji Нагаига компаниянинг Фарғона вилоятида хорижий корхона сифатида давлат рўйхатидан ўтказилганлиги тўғрисидаги гувоҳнома ҳам топширилди. Ушбу тиббиёт ва соғломлаштириш шаҳарчаси Япониянинг “Micado Development” компанияси томонидан “Экошаҳар”да 3 гектар майдонда барпо этишга киришилган қиймати 15 млн АҚШ долларлиқ “Shogun city” япон боғи, меҳмонхона, рестороанлар мажмуаси билан уйғунлик касб этади.

Учрашувда компания раҳбари Окуда Такефуми билан “Fergana Shogun” маж-

муаси қурилиши жараёнлари ҳам муҳокама қилинди. “Micado Development” раҳбари мажмуа қурилиш лойиҳасини ишлаб чиқиш жараёнида меҳмонхона қисмида хоналар сони 60 тадан 100 тага орттирилгани, савдо ва овқатланиш шохбчалари сизими кенгайтирилганини маълум қилди. Мажмуага шу йил октябрь ойида тамал тоши қўйилиши режалаштирилмоқда.

Шунингдек, учрашувда жорий йил ноябрь ойида ташкил этилиши белгиланган Фарғона-Япония бизнес форумини ўтказиш билан боғлиқ ташқилий масалалар юзасидан ҳам фикр алмашилди. Унда вилоят ҳокими ўринбосарлари Иқболжон Эргашев ва Хожикўзижон Исаков, Қурилиш ва уй-жой коммунал хўжалиги бош бошқармаси бошлиғи Лазизхон Позилов иштирок этиди.

Газ жиҳозлари кўрикдан ўтказилди

Бегзод АҲМАДКУЛОВ,
“O‘zbekiston bunyodkori”
мухбири.

“Гулистонтумангаз” бўлими ходимлари маҳаллалардаги хонадонларга кириб, газ жиҳозларини техник кўрикдан ўтказиш ишларини амалга оширмоқда.

Хусусан, туманда 12 та маҳалла табиий газ тармоғига уланган ва 16 415 та табиий газ жиҳози мавжуд. Шу йилнинг 2 чорағида бўлим томонидан 5 мингдан ошiq хонадонга сервис хизмати кўрсатилди ва газ жиҳозлари техник-профилактик кўриқдан ўтказилди.

Шунингдек, тумандаги барча маҳаллаларда табиий газ билан боғлиқ кўнгилсиз ҳодисаларнинг олдини олиш мақсадида доимий равишда тарғибот тадбирлари амалга оширилмоқда. Йил бошидан бугунгича қанча қадар 3 мингга яқин газ жиҳозидан хавфсиз фойдаланиш қоидалари кўрсатилган эслатма ва буклетлар аҳоли хонадонлари ҳамда ижтимоий объектларга тарқатилди.

билан бирга қуйидаги ҳужжатларни тақдим қилишлари шарт:

юридик шахслар – давлат рўйхатидан ўтказилгани тўғрисида гувоҳнома нусхаси, ваколатли вакил учун қонун ҳужжатларида белгиланган тартибда расмийлаштирилган ишончнома, унинг шахсини тасдиқлайдиган ҳужжат нусхаси илова қилинган ҳолда;

жисмоний шахслар – паспорт нусхаси, ваколатли вакил қатнашган тақдирда, ваколатли вакил учун қонун ҳужжатларида белгиланган тартибда расмийлаштирилган ишончнома, унинг шахсини тасдиқлайдиган ҳужжат нусхаси илова қилинган ҳолда.

Самарқандлик қурувчиларнинг Эронга сафари

Ҳамза ШУКУРОВ, “O‘zbekiston bunyodkori” мухбири.

Самарқанд вилояти Қурилиш ва уй-жой коммунал хўжалиги бошқармаси масъуллари ҳамда самарқандлик қурувчиларнинг бир гуруҳи Эроннинг Техрон шаҳрида ўтказилган 23-Халқаро қурилиш саноат кўргазмасида иштирок этишди.

Ушбу тадбир иштирокчиси, бошқарма бошлиғи ўринбосари – вилоят бош архитектори Сайфидин Нарзиқулов бу ҳақда шундай деди:

– Бошқарма мутахассислари ҳамда вилоятимиздаги “Келажак ишонч сервис”, “Смарт Флат”, “Регистон ишлаб чиқариш”, “Меҳр-оқибат рамзи” масъулиятли чекланган жамиятлари раҳбарлари А. Қаюмов, К. Сафаров, Ш. Толибов, А. Темиров ва бир неча ходимлардан иборат делегация кўргазмада иштирок этди. Дастлабки кунни Техрон шаҳрида жойлашган Халқаро кўргазмалар мажмуасида тадбир қатнашчилари билан учрашув бўлди. Унда Эрон Ислон Республикасининг Транс-

порт ва шаҳарсозлик вазири Аспирин Меҳррад Базраш кўргазманинг мақсади, фойдали жиҳатлари ҳақида гапириб берди. Ушбу сафар бизда катта таассурот қолдирди.

Самарқандлик кўргазма иштирокчилари уч кунлик сафар мобайнида Ўзбекистоннинг Эрон Ислон Республикасидаги элчиси Баҳодир Абдуллаев билан ҳам учрашди. Эрон ва бир қатор хориж давлатларининг қурилиш ва қурилиш материаллари ишлаб чиқариш фаолияти билан шуғулланувчи компаниялар, шаҳарсозлик объектлари ва технологиялари билан яқиндан танишди. Узаро ҳамкорлик бўйича шартномалар имзоланди.

Тўлов интизомини яхшилашга қаратилган тарғибот ишлари

Райҳона ХЎЖАЕВА, “O‘zbekiston bunyodkori” мухбири.

Республика бўйлаб истеъмолчиларнинг ичимлик суви ва оқова хизматлардан дебитор қарздорлиғи 1 трлн 369 млрд сўмни ташкил этмоқда. Бу ҳақда АОКАда ўтказилган брифингда “Ўзсувтаъминот” АЖ ахборот хизмати раҳбари Акмал Муродов маълум қилди.

Бугунги кунда “Ўзсувтаъминот” акциядорлик жамияти ва унинг ҳудудий сув таъминоти корхоналари томонидан истеъмолчилар орасида тўлов интизомини яхшилашга қаратилган кенг қўлмал тарғибот-ташвиқот ишлари олиб берилмоқда. Бундан ташқари, тўловларни амалга оширишда истеъмолчилар учун қулай ва замонавий тўлов воситаларидан фойдаланиш имконияти ҳам яратилган. Шунга қарамаздан, республикада истеъмолчиларнинг дебитор қарздорлиғи тобора ошиб бормоқда ва бугунги кунда 1 триллион 369 миллиард сўмни ташкил этмоқда. Шундан, жисмоний истеъмолчиларнинг қарздорлиғи 1 триллион 165 миллиард сўмни ташкил этса, 204 миллиард сўмлик қарздорлик юридик истеъмолчиларнинг ҳиссасига тўғри келяпти.

Бу борада Республика бўйича ичимлик суви ва оқова сув хизматларидан қарздорликни ундириш юзасидан тегишли ҳуқуқий чоралар қўрилмоқда. Жумладан, бугунги кунга қадар дебитор қарздорликларни қисқартириш бўйича судларга жами 13 873та 71 миллиард 523 миллион сўмлик даъво аризаси киритилган. Шундан, 5 761 та ариза юзасидан 45 миллиард 168 миллион сўм ундирилиши бўйича суд томонидан қарор қабул қилинган. Судларга Республика бўйича энг кўп даъво аризалари Тошкент шаҳри ва Тошкент вилояти сув таъминоти корхоналари томонидан чиқарилган бўлиб, ҳар бир ҳудуддан 4 236 тани ташкил этади. Шу билан биргаликда, МИБга 31 миллиард 37 миллион сўмлик 5 897 та ижро

варақаси берилган бўлса, шундан, 3 292 та ариза ишининг 14 миллиард 991 миллион сўмлик маблағлари ундирилган.

– Фурсатдан фойдаланиб, истеъмолчилар ичимлик суви таъминоти ва сув чиқариш хизмати учун ҳар ойнинг 10-санасига қадар 100 фоз олдиндан ҳақ тўлашни амалга оширишлари лозимлигини эслатиб ўтамиз, – деди Акмал Муродов. – Тўловларни <https://cabinet.uzsuvi.uz>, тижорат банкларининг кассалари ва мобил иловалари, “Раумте”, “UPAY”, “OSON”, “Uzum” каби электрон тўлов тизимлари орқали амалга ошириш мумкин. Соҳада аҳолининг дебитор қарздорлиғи билан бир қаторда ичимлик ва оқова сув тармоқларида ўзбошимчалик билан уланиш, улардан белгиланган қонун-қоидаларга риоя қилмаган ҳолда фойдаланиш ҳолатлари ҳам кўп учрамоқда. Жумладан, “Ўзсувтаъминот” АЖ ва ҳудудий корхоналари томонидан ўтган давр мобайнида 65 минг 959 та рейд тадбири ўтказилди. Ушбу рейдлар давомида 10 559 та қоидабузарлик ҳолатлари аниқланган бўлиб, жами 74 млрд 514 млн сўмлик зарар етказилган.

Шунингдек, 7 273 та ҳолатда истеъмолчилар томонидан сув ўлчиқчидан фойдаланиш қоидаларига амал қилинмагани аниқланиб, 31 млрд 19 млн сўм зарар етказилгани маълум бўлди. Аниқланган қоидабузарликларга нисбатан қонуний чоралар қўрилмоқда, жумладан, 2 376 та истеъмолчи тегишли тартибда тармоқдан ўзилиб, 17 млрд 985 млн сўм зарар ундирилди.

“BANYAN” МЧЖ

бошланғич нархи босқичма-босқич ошиб бориши тартибида ўтказиладиган такрорий очиқ аукцион савдоларига таклиф этади!

2023 йил 14 сентябрь кунни соат 11.00 дан бошлаб бўлиб ўтадиган очиқ аукцион савдога “Toshkent viloyati Doridagmon” акциядорлик жамияти томонидан 2023 йил 22 августда тақдим қилинган 323/01-сонли буюртманомага асосан, Тошкент вилояти, Бўка шаҳри, Магистраль кўчаси манзилида жойлашган икки қаватли ертўлали 28-сонли дорихона биносининг **умумий ер майдони** – 1 720,76 квадрат метрда жойлашган, **қурилиш ости майдони** – 448,63 квадрат метр бўлган 2 қаватли ертўлалидорихона биносининг биринчи қавати бир қисми ва ертўла **умумий фойдали майдони** – 691,28 квадрат метр таркибида: ертўла

001 дан 023 гача бўлган хоналар ва 1 қаватда жойлашган 001, 002, 003, 004, 005, 006, 007, 008, 009, 010, 011, 012, 013, 014, 015, 016, 021, 022, 023, 024, 025, 026, 027, 028 код рақамли хоналар, 0002 код рақамли соябон (майдони 22,72 квадрат метр), 0003 код рақамли омборхона қисман (майдони 80,66 квадрат метр, Н – 3,50 метр) ва 0005 код рақамли соябон (майдони 45,88 квадрат метр) бино ва иншоотлар қўйилмоқда. **Бошланғич баҳоси** – 1 700 000 000 сўм. Кўчмас мулкнинг бошланғич баҳоси ҚҚСни инобатга олган ҳолда белгиланган.


Юқоридаги кўчмас мулк 2023 йил 14 сентябрь кунни соат 11.00 да бошланади-

ган савдода сотилмаган тақдирда, такрорий савдолар 2023 йил 29 сентябрь 16, 31 октябрь, 15, 30 ноябрь ҳамда 15 декабрь кунлари соат 11.00 дан бошлаб бўлиб ўтади.

Юқоридаги кўчмас мулк билан буюртмачи ташкилот вакиллари иштирокида бевосита манзилга чиқиб танишиш мумкин.

Аукцион савдода қатнашиш истагини билдирган талабгорлар савдо ташкилотчиси билан тузилладиган закатал келишув шартномасига асосан кўчмас мулк бошланғич нархнинг 15 фозидан кам бўлмаган миқдордаги закатал пулини тўланганини тасдиқловчи ҳужжат

ЯНГИ ҲАЁТ УЧУН,



Айни кунларда юртимизнинг барча ҳудудларида энг улуғ, энг азиз байрам – **Ўзбекистон Республикаси Давлат мустақиллигининг 32 йиллигига** қизғин тайёргарлик ишлари олиб борилмоқда. Тўйга тўёна билан деганларидек, байрам тараддуди муносабати билан Қорақалпоғистон Республикаси, вилоятларнинг барча шаҳар ва туманлари, овуллари ҳамда чекка қишлоқларида янги иншоотлар барпо этилиб, халқимизга фойдаланиш учун топшириляпти. Қилинаётган барча саъй-ҳаракатлар замирида, энг аввало, инсон қадр, унинг яхши яшаши учун шароит яратиш тамойили мавжуд. Куйида юртимиз ҳудудларида байрам арафасида амалга оширилаётган ишлар ҳақидаги хабарлар билан танишишингиз мумкин.

ҚАШҚАДАРЁ ВИЛОЯТИ

МУСТАҚИЛЛИК ИНШООТЛАРИ
ИШ БОШЛАДИ

Шухрат НОРМУРОВОВ, "O'zbekiston bunyodkori" мухбири.

Мустақиллигимизнинг 32 йиллик байрами шукуҳи кезиб юрган шундай қувончли кунларда Қашқадарё вилояти бўйлаб "Янги ҳаёт учун, Янги Ўзбекистон учун!" шиори остида янгидан янги бинолар, қурилиши якунланган объектларнинг очилиш маросимлари кўтаринки руҳда ўтказилмоқда.

Янгиланган тиббиёт биноси

Истиқлол шодиёна-лари арафасида Нишон тумани тиббиёт бирлаш-масининг янги биноси очилиш ҳам маҳаллий аҳоли учун муносиб туҳ-фа бўлди.

Замонавий кўри-нишда таъмирланиб, бу-гун аҳолига сифатли хиз-мат қилишга шай турган марказий шифохонанинг очилиш маросимида ви-лоят ҳокими Муротжон Азимов, тиббиёт соҳаси вакиллари, нуронийлар, туман аҳли ва оммавий ахборот воситалари вакиллари иштирок этдилар. Тадбирда сўз олган вилоят ҳокими бу ерда беморларга аниқ ташхис қўйиш учун энг сўнгги русумдаги рентген, УЗИ, ЭКГ ускуналари ўрнатилгани ва ма-лакали мутахассислар етарли экани халқимизга янада енгиллик яратишини таъкидлади.

Тиббиёт бирлашмасининг 5 қаватли, 290 ўринли биноси 1985 йилда ишга туширилган эди. Инвестиция дастури асосида бинони капитал таъмирлаш мақсадида давлат бюджетидан 11 миллиард 200 миллион сўм маблағ йўнал-тирилди. Шунингдек, муассаса хорижий мамлакатларда ишлаб чиқарилган, замонавий 630 миллион сўмлик тиббий жиҳозлар билан таъминланди. Бу ерда ҳозирги кунга қадар мавжуд бўлган 80 ўринли туғруқ мажмуаси ўрни-да 110 ўринли туманлараро перинатал маркази ҳам ташкил этилгани Нишон



ва кўшни ҳудудлар аҳолиси учун янги қулайликлар яратди. Шунингдек, энди муассасада 20 ўринли кардиология, 65 ўринли тера-пия, (Неврология+эндокринология), 45 ва 20 ўринли жарроҳлик бўлимла-ри, қўшимча бинолар, боғ, сув ҳавзаси ва кислород станциялари ҳам хизмат кўрсатади.

Қамашида тадбиркорлар
хиёбони

Давлатимиз раҳбари-нинг жорий йил 23 январ-даги "Савдо-саноат па-латаси фаолиятини янада такомиллаштириш бўй-ча қўшимча чора-тадбир-лар тўғрисида"ги қарори ижроси доирасида Қа-маши туманида тадбир-корлар хиёбони ташкил этилди.

Унда инвесторларнинг бизнес лойиҳаларини муҳокама қилиш ҳамда "Б2Б" учрашувлари учун махсус хоналар мавжуд. Шу-нингдек, хиёбонда фаол тадбиркорларнинг эришган натижаларини намо-йиш этиш мақсадида йил давомида кўргазмалар ўтказиб борилади.

Марказнинг очилиш маросими тадбирида иштирок этган туман ҳокимли-ги ва Савдо-саноат палатаси вилоят ҳудудий бошқармаси раҳбарияти ҳамда тадбиркорлик субъектлари вакиллари у ерда яратилган шароитлар билан яқиндан танишишди.

Ун корхонаси фаолияти
йўлга қўйилди

Қамаши туманидаги Гулистон маҳалласида тумандаги биринчи ун ишлаб чиқариш корхонасининг очилиш маросими ўтказилди. "Бўритош ая" фермер ҳўжалиги томонидан ишга туширилган ушбу корхонанинг умумий қиймати 6 миллиард сўмини ташкил қилади.

Мазкур корхонада Туркияда ишлаб чиқарилган энергия тежамкор тех-нологиялар ўрнатилган бўлиб, унда йилга 10 минг тоннагача ун ва ун мах-сулотлари ишлаб чиқарилади. Ҳозирда бу ерда 20 нафар киши доимий иш билан таъминланган.

Корхона очилиши муносабати билан бўлиб ўтган маросимда туман ҳо-кимси Ботир Тоғаев, тегишли ташкилотлар масъуллари, нуронийлар ва кенг жамоатчилик иштирок этдилар.

Электр энергия
ишлаб чиқариш лойиҳаси
ишга тушди

2022 йилнинг ок-тябрь ойида вилоят ҳо-кимси Муротжон Азимов ва Хитойнинг "Qarshi Conch Cement" корхона-си ўртасида имзоланган меморандумга кўра, 6 МВт иссиқлик энергияси ишлаб чиқаришни қуриш лойиҳасини амалга оши-риш соҳасида сармоявий ҳамкорлики янада ривожлантириш каби бир қатор истиқболли режалар белгиланган эди.

Шунга кўра, Китоб туманидаги мазкур хорижий корхонада умумий қий-мати 15 миллион АҚШ долларлиқ лойиҳа ишга туширилди. Иссиқликдан муқобил электр энергияси олишга мўлжалланган мазкур лойиҳа орқали 6 мегаватт-соат электр энергия ишлаб чиқарилмоқда. Бу орқали корхонанинг электр энергия истеъмоли 43 фоизга тежалиб, ортиб қолган электр аҳолига йўналтирилмоқда.



Аҳолининг қувончи чексиз



Бугун юртимизда маҳаллалар ин-фратузилмасини янада яхшилаш ва аҳолининг кўп йиллик орзуларини ушалиши орқали уларнинг қувончига сабаб бўлаётган "Ташаббусли бюд-жет" жараёнида ғолиб деб топилган лойиҳалар бўйича қурилиш-бунёд-корлик ишлари бажарилмоқда.

Жумладан, мазкур лойиҳа асосида Ғўзор туманидаги "Жарарик" МФИда 3 километрга яқин йўл асфальтлаштирилди. Лойиҳани "Azat transglobal servis" МЧЖ қурувчилари сифатли тарзда амалга ошириб, аҳолига қувонч улашди.

Маълумот учун, вилоят бўйича "Ташаббусли бюджет" лойиҳаси доираси-да 1-навсумда ғолиб, деб топилган 261 та тақлиф учун 285 млрд сўм йўналти-рилди. Жумладан, ички йўллар учун 162 млрд сўм, умумтаълим мактабларига 57 млрд сўм, мактабгача таълимга 5 млрд сўм, соғлиқни сақлашга 17 млрд сўм ҳамда бошқа тадбирлар учун 44 млрд сўм маблағ ажратилиб, ишлар авж па-лага кирган. Бундан ташқари, "Менинг йўлим" лойиҳаси бўйича 33 та маҳал-ланинг ички йўллари таъмири учун 34 млрд сўм ажратилган. Бу борада ҳам ишлар самарали олиб борилмақда.

Албатта, олиқ қишлоқлар инфратузилмасини яхшилаш, аҳоли фаровон-лигини оширишга қаратилган бу каби бунёдкорлик ишларидан кўзланган асосий мақсад – инсонлар турмуш даражасини яхшилашдан иборатдир.

“Талимаржон ИЭС” АЖда
буғ-газ қурилмалари барпо
этилмоқда

Испаниянинг "Intecsa Ingeniera Industrial S.A." ва Япониянинг "Mitsubishi Corporation" компаниялари ва "Иссиқлик электр станцияла-ри" АЖ ҳамда "Талимаржон ИЭС" АЖда 1065 МВт қувватга эга навбатда-ги буғ-газ қурилмаларини барпо этиш бўйича ўзаро ҳамкорлик асосида, энергоблоklar қурилишга старт берилди.

Мазкур лойиҳага кўра, 2025 йил якунига қадар станцияда умумий қув-вати 1065 МВт бўлган навбатдаги иккита буғ-газ қурилмаларини қуриш ишлари олиб борилади. Қиймати 771,8 миллион долларга тенг лойиҳанинг бош пудратчилари сифатида Испаниянинг "Intecsa Ingeniera Industrial S.A." ва Япониянинг "Mitsubishi Corporation" компаниялари консорциуми ишти-рок этмоқда. Мазкур инвестиция лойиҳаси муҳим аҳамиятга эга бўлиб, унга кўра корхона томонидан йилга қўшимча 8,5 млрд кВт соат электр энергия-си ишлаб чиқарилади.

Шунингдек, ушбу лойиҳа Самарқанд ва Бухоро вилоятлари истеъмол-чиларини ҳамда Қарши магистраль каналидаги етти та насос станциясини ишончли электр энергияси билан таъминлашга қаратилгани билан аҳами-ятлидир. Эътиборли томони, юқори тежамкор технологиялар ҳисобига 600 млн куб метр табиий газ тежаллишига эришилади. Яна бир жиҳати, атмос-ферага чиқарилаётган ифлотсантирувчи моддалар 1500 тоннага камайд

и ҳамда 112 та янги иш ўрни яратилади.

СУРХОНДАРЁ ВИЛОЯТИ

Маҳаллалар обод,
кўнгиллар шод бўлмоқда

Азиз МАШРАБОВ, "O'zbekiston bunyodkori" мухбири.

Президентимиз жорий йил 13 март куни Сурхондарё вилоятига ташрифи чоғида Термиз шаҳридаги маҳаллалар инфратузилмасини ривожлантириш ва аҳоли учун қулай шароит яратиш юзасидан тегишли вазифаларни белгилаб берган эди. Мазкур топшириқ ижросини таъминлаш учун мамлакатимизнинг жанубдаги дарвозасида йирик ҳажмдаги бунёдкорлик – ободонлаштириш ишлари амалга оширилиб, ҳудуд қиёфаси тубдан ўзгармоқда. Бунинг учун шаҳардаги 37 та маҳалланинг ҳар бирига икки миллиард сўмдан маблағ ажратилди.

Қадимий шаҳарда юз бераётган бу ўз-гаришлар ёш кексага бир олам қувонч улашиб, уларда фаҳр туйғусини уйғот-моқда. Мамлакатимизда олиб борилаёт-ган халқчил ислохотларга ишонч ҳиссини мустаҳкамлаб, ҳаётдан рози бўлиб яша-шига хизмат қилмоқда.

– Яқин йилларда ҳам вилоят марка-зидаги маҳаллалар кўчалари ёзда чанг, қишда лой бўлиб қолар эди, – деди Те-мирийўлчи маҳалласида яшайдиган меҳнат фахрийси Ҳамид Тошпўлатов. – Мана, бўлар экан-у, ўнқир-чўнқир ички кўчала-римизга бетон қоплама ётқизилиб, равон йўлаklar бунёд этилди. Эсимни танига-ниданан буюн тунда юрсақ тошга суринадиган кў-чаларимиз ўрнида теп-текис йўл қурилди. Энди ёзда ҳам, қишда ҳам бу кўчаларда бемалол ҳара-катланиш мумкин. Бундай шароитлардан биз ҳам, фарзандларимиз, навараларимиз ҳам хурсанд. Бир йўла турар жой бинолари ҳам таъмирланиб, ҳудуд ободонлаштирилмоқда. Замонавий инфра-тузилма яратилаётди. Ахир, бундай эътибордан суюнмай бўладими?

Айни пайтда шаҳардаги Маърифат, Мажнун-тол, Шодлик, Шифокор, Боғишамол, Турон, Эски шаҳар, Абдурахмон Жомий, Меҳробод, Сурхон соҳили, Тупроққўрган каби маҳаллаларда ба-жарилаётган ободонлаштириш ва бунёдкорлик ишларини якунлашга ҳозирлик қўрилмоқда. Кўп қаватли тубдан таъмирланиб, атрофи тартибга келтириляпти. Бўш майдонларда яшил ҳудудлар яратилляпти. Ички йўллар таъмирланиб, пиёдалар йўлакчалари барпо этилмоқда. Мавжуд болалар майдончалари замонавий кўринишга келтирилиб, янгилари қуриляпти.

Боғзор – Термиз шаҳар марказидаги йирик маҳаллалардан бири. 1 минг 413 хонадонда 6 минг 480 га яқин аҳоли яшайди. 30 та кўп қаватли ва 667 та якка тартибдаги уй-жой мавжуд. Олтита мактаб-гача таълим ташкилоти, битта давлат ва битта ху-сусий шифохона бор. Маҳалла инфратузилмасини ривожлантириш учун ажратилган маблағ эвазига таъмирталаб 15 та кўп қаватли уйда йирик ҳажмда-ги қурилиш ишлари амалга оширилди. Турар жой биноларининг ташқи фасад қисми ва подъездлар ичкариси таъмирланди. Учта кўп қаватли уйнинг



том қисми янгиланди. Ташландиқ аҳволга ке-либ қолган чиқиндиҳона ўрнида янги замонавий кўринишдагиси қад ростлади. Иккита Workout майдончаси барпо этилиб, мавжуд болалар ўйин-гоҳларида барча шароит яратилди.

Инфратузилмаси янгиланган маҳаллада шу-нингдек, учта кўп қаватли уй олдида бетон қопла-мали автомобиль тураргоҳи қурилди. Ташландиқ майдонда аҳоли ҳордиқ чиқариб, сайр қиладиган янгича дизайнли хиёбон бунёд этилиб, яшил маконга айлантирилди. 200 га яқин турли дарахт экилди. Маҳалла ҳудудида 550 метрдан ортиқ пиёдалар ва автомобиль йўлига бетон қоплама ётқизилди. Аҳолини тоза ичимлик суви билан уз-луксиз таъминлаш учун 1 минг 276 метр масофага сув қуурлари тортилди.

– Қисқа вақтда амалга оширилган қурилиш-ободонлаштириш юмушлари маҳалламиз қиёфа-сига янгича кўриниш бағишлади, – деди "Боғзор" маҳалла фуқаролар йигини раиси Акмалжон Пар-даев. – Чорак асрдан буюн таъмирланмаган кўп қаватли уйлар атрофида аҳоли учун замонавий шароитлар яратилиб, турар жой бинолари янги кўринишда бўй кўрсатди. Инфратузилмаси янги-ланган маҳалламизни фойдаланишга топшириш маросими ҳам байрамона руҳда ўтказилди. Қўр-сатилаётган гамхўрликлардан ёшу қари бирдек мамнун.

Ҳозирда Термиз шаҳридаги маҳаллаларда аҳо-лининг янада фаровон яшаши учун қулай шароит яратишга йўналтирилган бунёдкорлик ва ободон-лаштириш ишлари қизгин давом этмоқда.

БУХОРО ВИЛОЯТИ

Узоқ йиллик орзу
амалга ошди

Бухоро вилоятининг Вобкент туманидаги 5-умумтаълим мактаби ўқувчилари ўқишни янги бинода бошлашади.

9 миллиард 170 миллион сўм маблағ эвазига амалга оширилган қурилиш-таъмирлаш жара-ёнлари натижасида мактаб янгича қиёфага эга бўлди. Очиғи, жамoa бундай кўркам ва замонавий мактабни узоқ йиллардан буюн орзу қилган. Мана, мустақиллигимизнинг 32 йиллиги олдида улар-нинг орзуси ушалди.

– Мактабимизнинг аввалги биноси 1184 ўрин-га мўлжалланган бўлиб, иккита ўқув биноси 1971-1978 йилларда қурилган, яна бир ўқув бино эса 1991 йилда бунёд этилган, – деди Вобкент туман-идаги 5-умумтаълим мактаби директори Ғолиб Омонов ўза мухбири Зариф Комиловга. – Айни

пайтда бу бинолар анча эскириб қолган эди. Жо-рий йилда инвестиция дастури доирасида таълим муассасамизнинг 764 ўринли иккита блоги ка-питал таъмирланди. Эски ёғоч бино ўрнига 300 ўринли янги бино қад ростлади.

Замонавий дизайн асосида безатилган кенг ва шинам синф хоналари, фан кабинетлари, ранг-баранг адабиётлар билан бойитилган ку-тубхона, спорт зал, лаборатория хоналари – бу-ларнинг барчаси ўқувчилар ихтиёрида.

Янги ўқув йилида мактабнинг 1-синфига 114 нафар болажонлар илк қадам қўйди. Уларни за-монавий жиҳозланган синф хоналарида "Прези-дент совгалари" кутмоқда.

Мактабда тайёргарлик байрамона. Албатта, хар бир берилаётган имконият ортида масъулият, жавабгарлик туради. Жамoa ана шу масъулиятни англаган ҳолда янги ўқув йилида ўзгача шижоат билан янги марраларни кўзлаган.

ЯНГИ ЎЗБЕКИСТОН УЧУН!

СУРХОНДАРЁ ВИЛОЯТИ

Юқори Чирчиқда янги объектлар фойдаланишга топширилди

Шахноза МАМАТУРОПОВА, журналист.

Маҳалла азалдан миллий қадриятлар, эзгу амаллар ва яхши қўшничилик муносабатлари маскани бўлиб келган. Меҳр-оқибат кўрсатиш, эҳтиёжмандларга ёрдам, муҳтожларга қўмақ, беморлар ва ёлғизлар ҳолидан хабар олиш каби фазилатлар халқимизга хос анъаналардан ҳисобланади. Сўнгги йилларда Президентимизнинг маҳалла ва қишлоқ фуқаролар йиғинларига қаратаётган эътибори натижасида ушбу тизимда катта ислохотлар амалга оширилмоқда.

Хусусан, Тошкент вилоятининг Юқори Чирчиқ туманида 2021-2022 йилларда давлат-хусусий шерикчилик асосида инвесторлар томонидан намунавий лойиҳаларга кўра 38 та маҳалла фуқаролар йиғинлари биноси барпо этилди. Яқинда туман марказидан олис Т. Г. Хван номидаги, “Саховат” ҳамда “Навбахор” МФЙларида ҳам замонавий бинолар қурилиб, фойдаланишга топширилди. Шу муносабат билан ташкил этилган тадбирда Тошкент вилояти ва туман ҳокимлари, корхона-ташкилотлар раҳбарлари, нуронийлар, маҳаллалар фаоллари иштирок этишди. Унда юртимизда маҳалла институтини янада ривожлантириш, амалга оширилаётган кенг қўламли ислохотлар самараси, улкан бунёдкорлик ишлари ҳақида сўз бориб, буларнинг барчаси аввало, халқимиз розилиғи, инсон қадрини учун хизмат қилаётгани таъкидланди. Замонавий лойиҳалар асосида барпо этилган ва барча шароитларга эга маҳалла фуқаролар йиғини бинолари фуқаролар учун ҳақиқий байрам тухфаси бўлди.

– Шу вақтгача маҳалламизнинг ўз биноси бўлмаганлиги учун турли жойда, ижарада фаолият олиб боришига тўғри келди, – деди Саховат маҳалласида яшовчи фаоллардан бири Абдураззоқ Абдуқодиоров. – Энди эса ўз биноимиз бор, хотин-қизлар фаоли, участка нозир, ҳоким ёрдамчиси ва ўшалар етакчилари хоналари ҳам ёнма-ён жойлашган. Бу юртимизда олиб борилаётган оқиллона сиёсатнинг натижаси, маҳалла институтини учун яратилаётган имкониятдир.

Шунингдек, “Нурли замин”, “Саховат”, “Янгиҳаёт”, “Жалолтепа”, Аҳмад Яссавий номидаги ва “Қизилсой” МФЙ аҳолисига хизмат кўрсатадиган 1-сонли маҳалла ҳуқуқ-тартибот маскани ҳам ташкил этилди. Бундан ташқари, 17-сонли МТМ ҳам фойдаланишга топширилди. 305 ўринга



мўлжалланган мазкур муассаса “Обод қишлоқ” дастурига биноан 5 миллиард сўмга яқин маблағ эвазига бунёд этилган. Туманда ҳали тоза ичимлик суви етиб бормаган ҳудудлар ҳам бор эди. Айни пайтда энг чекка ҳудудларга ҳам сув қувурлари тортиляпти. Жумладан, жорий йилда 24 та маҳаллада 172,6 км ичимлик сув тармоқларини тортиш, 20 та ичимлик сув иншоотини реконструкция қилиш белгиланган бўлиб, ҳозирда 90 фойз ишлар бажарилган.

Қурилиш соҳаси ходимлари байрами арафасида туманда узунлиги 96 метр, кенлиги 13 метр, умумий қиймати 17,4 млрд сўмлик янги кўприк ҳам фойдаланишга топширилди. Ушбу лойиҳанинг

дастлабки қурилиш ишлари 2022 йилнинг сўнгги ойларида бошланган бўлиб, темир-бетон пойдеворлари босқичма-босқич тайёрланди. Ер ости йўл ўтказғичида эса 50 дан ортиқ тажрибали мутахассис томонидан 10 дан зиёд замонавий техникалар жалб этилган ҳолда ишлар олиб борилди. Режага кўра, кўприкнинг фойдаланишга топшириш муддати шу йил ноябрь ойида эди. Эндликда замонавий кўприк ёрдамида 10 мингдан зиёд маҳаллий аҳоли ва меҳмонларнинг вақти тежаладиган бўлди. Қолаверса, автоуловлар тирбандлиги барҳам топиши натижасида атроф-муҳит экологияси мусофалиғи ҳам яхшиланади.

Давлатимиз раҳбарининг топшириғидан келиб чиқиб, мазкур туманда ҳам уй-жой қурилишига алоҳида эътибор қаратилаётир. Жумладан, “Миробод” МФЙ ҳудудида янгидан бунёд этилган 8 та 7 қаватли, 364 та хонадонли уй-жойлар фойдаланишга топширилди. Ушбу уй-жойлар қурилишида асосан маҳаллий материаллардан фойдаланилган. Сифат жиҳатидан замон талабларига жавоб беради ва ташқи коммуникация тизими ҳам тўлиқ якунланган.

Бир сўз билан айтганда, бугунги кунда амалга оширилаётган кенг қўламдаги қурилиш-бунёдкорлик ишлари натижасида одамларнинг ҳаёти яхшиланиб, келажакка умид ҳисси янада кучаймоқда. Айниқса, Ватанимиз мустақиллигининг 32 йиллик байрами арафасида ҳудудларда барпо этилаётган кўп қаватли арзон уй-жойларга эга бўлаётган ёш оилаларнинг қувончи чексиз.

манидаги Деҳқонобод маҳалласида ҳам ҳарбий хизматчилар учун хизмат уйлари қуриб, фойдаланишга топширилди. Шу муносабат билан ўтган тадбирда туман ҳокими ва сектор раҳбарлари иштирок этиб, 30 нафар ҳарбий хизматчининг оилаларига барча шароитларга эга хонадонларнинг қалитларини топширди.

– Замонавий уйга эга бўлганимиздан мамнунмиз, – деди янги уй соҳибларидан бири Ш. Алимова. – Бу ерда ҳамма шароитлар мавжуд. Меҳмонхона, ошхона ва бошқа ёрданчи хоналар дид билан жиҳозланган. Бу қўлайликлардан фарзандларимиз ҳам хурсанд. Турмуш ўртоғим Ватан олдидаги хизмат бурчини шараф билан бажариши учун шундай шароитлар яратиб берган давлатимиздан беҳад миннатдорим.

ЖИЗЗАХ ВИЛОЯТИ

Форишда байрам тараддуди

Жиззах вилояти Фориш туманидаги маҳаллаларда инфратузилмани яхшилаш, ободонлаштириш, кўкаламзорлаштириш, янги иш ўринлари яратиш, аҳоли бандлигини таъминлаш борасида кенг қамровли ишлар амалга оширилмоқда.

Туманда Президентимизнинг 2022 йил 25 октябрдаги “2022-2023 йилларда маҳаллалар инфратузилмасини янада яхшилаш бўйича қўшимча чора-тадбирлар тўғрисида”ги қарорига асосан 50 миллиард 874 миллион сўм маблағ ҳисобига 15 объектда қурилиш-таъмирлаш ишлари олиб борилмоқда.

Шундан йўл инфратузилмаси бўйича 14 миллиард 253 миллион сўмлик, ичимлик сув таъминоти бўйича 15 миллиард 424 миллион сўмлик маблағ ўзлаштирилмоқда. Маҳаллаларга янги бинолар қуриш бўйича ҳам муайян ишлар бажарилди.

– 834 миллион сўм маблағ ҳисобига “Дўстлик” МФИда жойлашган 31-сонли умумтаълим мактабига 60 ўринли қўшимча бино, 18 миллиард 337 миллион сўм маблағ ҳисобига “Хонбанди” маҳалласидаги 13 кўп қаватли уйларга иситиш тизимларини ўрнатиш белгилан-

ган эди. Бугунги кунга келиб тумanning Амир Темури номи маҳалла Қўнабозор қишлоғида 21 километр ичимлик сув тармоғи тортилиб, бешта сув иншооти ўрнатилди. Мусокул Оролов номи маҳаллада 20 километр ичимлик сув тармоғи тортилиб, битта артезиан қудуқ қовланди, – деди туман камбағалликни қисқартириш ва бандлик бўлими бошлиғи Шавкат Узоқов ўзА мухбири Абдулазиз Қаюмовга. – “Эгизбулоқ” МФИда 8 километр, “Оқтепа”да 6 километрлик ичимлик сув тармоғи ва иккита сув иншооти, “Осмонсой” маҳалласида 2,5 километр ичимлик сув тармоғи ва 1 донна сув иншооти, “Оқтепа” маҳалласида 4 километр ичимлик суви тармоғи ва 1 донна сув иншооти бунёд этилди.

Шунингдек, тумандаги Оқтепа, Мустақиллик ва Қораабдол ота маҳаллалари учун янги маъмурий бинолар қурилиб, фойдаланишга топширилди. Хонбанди

маҳалласидаги 13 та кўп қаватли уйларга иситиш тармоқлари ўрнатилди.

Тумanning Ойбек номи, Ўзбекистон, Учма маҳалласида ички йўллар таъмирланиб, асфальт қоплама ётқизилди.

Айни кунда тумanning Амир Темури номи МФИда электр энергияси тармоқлари реконструкция қилинмоқда. Бу маҳаллада 5,5 километр ҳаво тармоқлари янгиланади, 5 та трансформатор пункти, 132 та янги темир бетон устулар ўрнатилади.

Бундан ташқари, Ўзбекистон Республикаси Президентининг 2023 йил 2 майдаги “2022-2023 йилларда Жиззах вилоятини комплекс ижтимоий-иқтисодий ривожлантириш ва аҳоли турмуш даражасини янада яхшилашга доир қўшимча чора-тадбирлар тўғрисида”ги қарори асосида тумандаги Богдон, Ўзбекистон, Ойбек номи маҳаллалар аҳолисини тоза ичимлик сув билан таъминлаш борасидаги ишлар амалга оширилмоқда.

Мухтасар қилиб айтганда, форишликлар мамлакатимиз Мустақиллиги тантаналарини обод ва кўркам маҳаллаларда, барча қўлайликлар яратилган уй жой ва ижтимоий соҳа объектларида меҳнатдаги улкан ютуқлар билан қутиб олишга қарор қилган.

ХОРАЗМ ВИЛОЯТИ

Эҳтиёжманд оилаларга эътибор ортмоқда

Болтабой МАТҚУРБОНОВ,
“O'zbekiston bunyodkori” мухбири.

Ўзбекистон Республикаси Вазирилар Маҳкамасининг “Хоразм вилоятида аҳоли учун муносиб турмуш шароитларини яратиш ва маҳаллалар инфратузилмасини янада яхшилаш чора-тадбирлари тўғрисида”ги қарорига асосан, Ўрганч туманида оғир шароитдаги 1025 та хонадонда таъмирлаш ишлари олиб борилиши режалаштирилган. Шундан, 795 та хонадонда фақат том қисмининг ёпиш ишлари амалга оширилиб, 22 та хонадонлар бузилиб, қайтадан қуриш ишлари бошлаб юборилган. Қолган 208 та хонадонда жорий таъмирлаш ишлари амалга ошириляпти.

Шунингдек, тумандаги 60 та маҳаллада жами 213 км ички йўлларда жорий таъмирлаш ишларини амалга ошириш учун тақифлар берилган. Ҳозирги кунда Оқ мактаб, Шоҳидонлар, Қипчо, Ҳожибойлар, Оёқ боғ, Адолат, Ҳамид Олимжон, Бақайлар, Оқ ёп, Туркманлар маҳаллаларидаги 70 км дан ортиқ ички кўчаларга майдаланган тош қопламаси ётқиизиш ишлари амалга оширилди.

Обод хонадон, обод кўча, обод маҳалла

Янгиариқ туманидаги Ширшоли маҳалласида Обод хонадон, обод кўча, обод маҳалла дастури бўйича ишлар амалга оширилмоқда. Муҳими, одамлар ҳаётига ободлик мезонлари олиб кирилмоқда. Мақсад битта – чекка манзилларда обод гўшалар барпо этиш ва аҳолининг оғир шароитларини яхшилаш каби ибратли ишларни амалга ошириш.

Маҳалла инфратузилмасини яхшилаш мақсадида 47 та эски симёғоч янгисига алмаштирилди. 55 та симёғоч жорий таъмирланмоқда. Бир километр узунликда сим кабеллари янгиланмоқда. Шунингдек, 3 та кўчада электр таъминотини яхшилаш учун янги трансформатор ўрнатилди. Маҳаллада газ, ичимлик суви каби муаммолар барҳам толяпти. Худуддаги 2,8 километр ариқлар ва 2,4 километр зовурлар тозаланиб, ишчи ҳолатига келтирилмоқда. Булардан ташқари, 21 та якка тартибдаги хонадон ва 51 та хонадоннинг том қисми таъмирланмоқда. 63 та хонадонга тоза ичимлик суви ўтказиш ишлари ҳам амалга оширилди.

Қолаверса, ижтимоий соҳа объектларига ҳам алоҳида эътибор қаратиляпти. Хусусан, маҳалла маркази бунёд этиляпти. Унинг ёнгинасида аҳолига сервис хизмат кўрсатиш шохобчалари ҳам қад ростлайди. Бир сўз билан айтганда, маҳалла кун сайин обод бўлмоқда.

Йўли ободнинг эли обод

Кейинги йилларда Хоразм вилоятида туманлараро ва қишлоқ йўлларига ҳам алоҳида эътибор қаратилаётгани, йиллар давомида таъмирланмаган қишлоқ йўллари бугун раван ва текис асфальт кўчаларга айлантирилаётганини кўриб кишининг ҳаваси келади.

Богот туманида ҳам бу борадаги ишлар жадал суръатда давом этмоқда. Жорий йилнинг олти ойи давомида 20 километр йўл жорий таъмирланиб, асфальт ётқизилди. Таъмирланба кўприклар қайта қурилди. Тумanning Гулшан маҳалласининг Арчазор кўчасидан ўтган йўл қўшни қишлоқнинг Ортиқ Отажонов номи маҳалласига улашиб кетади. Бу йўл салкам 20 йиллардан бери таъмирланмай, ўйдим-чуқур, ёзда чанг, қишда лой, аҳоли ва транспорт воситаларининг ҳаракатланишига ноқулайликлар келтириб чиқарарди. Эндликда шу йўлнинг 6 километрида асфальтлаштириш ишлари олиб борилмоқда.

– 4М1965 умумфойдаланадиган йўлнинг 14 дан 24 километр қисмига асфальт ётқизялмиз, – деди туман йўллардан фойдаланиш унитар корхонаси раҳбари Худойберган Қурбонов. – Учта кўприк эса жорий таъмирланмоқда. Ҳозирда ишлар қизиган.

Йўлсозлар Ўзбекистон Мустақиллигининг 32 йиллик байрами-ни халқимизга қувонч улашиб, кўтаринки кайфиятда муносиб қутиб олишмоқда.

Ташаббусли бюджет маблағлари мактабларга

Бугунги кунда Хоразм вилоятида 543 та умумий ўрта таълим мактаби, 10 та ихтисослаштирилган мактаб-интернат, 363 та мактабгача таълим ташкилоти, 14 та “Баркамол авлод” болалар мактаби, жами 930 та таълим муассасаси фаолият юритиб келмоқда.



Айни пайтда таълим муассасаларини 2023-2024 янги ўқув йили ва куз-қиш мавсумида барқарор фаолият юритишини таъминлаш мақсадида бир қатор ишлар амалга оширилмоқда. Хусусан, 2023 йилда “Ташаббусли бюджет” лойиҳаси доирасида 101 та муассаса, шундан, 91 таси умумий ўрта таълим мактаби, 2 таси ихтисослаштирилган мактаб, 8 таси эса мактабгача таълим ташкилоти ғолиб деб топилди, лойиҳа доирасида жами 90,2 млрд сўм ютиб олинди.

Ушбу маблағлар ҳисобига муассасаларни жорий таъмирлаш, дераза ромлари, иссиқлик тармоқлари ва қозонларни алмаштириш, ёзги айвончаларни таъмирлаш, қуёш панеллари ўрнатиш, мебель-жиҳоз, техник воситалари сотиб олиш ва ҳудудларнинг тева-рак-атрофини ўраш ишлари амалга оширилмоқда.

